

British Columbia Early Learning Framework

Isang Patnubay para sa mga Pamilya





Ang mga pamilya ang siyang may pinakamahalagang tungkulin sa pagtaguyod sa kabutihan at pagtuto ng kanilang mga anak. “Ang mga pamilya ay ang unang mga guro, mga pangunahing caregivers, at tagahawak ng kaalaman ng kanilang mga anak. Ang mga pamilya ang siyang may pinakamahalagang tungkulin sa pagtaguyod ng kabutihan at pag-aaral ng kanilang mga anak. Para sa lahat ng mga komunidad, ang pag-aaral ay kadalasang nangangailangan ng tulong ng mahigit sa isang henerasyon. Ang elders at mga lolo’t lola ay maaaring mahalaga sa early learning programs, at ang kanilang kaalaman ng mga kultural na tradisyon at wika ay maaaring magkaroon ng malaking benepisyo sa mga bata, mga pamilya, mga guro, at komunidad.

(B.C. Ministry of Education, 2019, p. 16)



Ang Kahalagahan ng mga Pamilya

Ang mga pamilya ay ang mga unang guro ng mga bata. Sila ang taga-tago ng kaalaman. Sila'y nirerespeto bilang mga guro ng kultura, pamana, wika, at mga bagay na minamahalaga. Ang mga pamilya ay may malaking epekto sa mga paniniwala, kaalaman, at kabutihan ng mga bata. Habang ang mga pamilya ay naninirahan at natututo nang sama-sama, sinusuportahan nila ang kanilang mga anak sa pamamagitan ng:

- ◆ pag-alaga sa pakiramdam ng kabutihan at pagiging kabilang upang suportahan ang kanilang mga anak na matutunan ang mundo sa kanilang paligid
- ◆ pagbigay ng mga pagkakataon upang makipag-ugnayan sa ibang mga bata, adults, at materyales sa kanilang mga tahanan, kapaligiran, at mga komunidad
- ◆ paglikha ng mga pagkakataon upang ikomunika ang mga ideya at lumahok sa pakikipag-ugnayan sa iba sa pamamagitan ng mga tunog, mga kilos, at mga nagpapahayag na wika tulad ng pagkilos, pagsayaw, paggawa ng mga bagay, paglaro, o kaya paglahok sa drama, sining, matematika, agham, musika, at pagkuwento
- ◆ pagtaguyod ng positibong pakiramdam ng pagpapahalaga sa sarili, kamalayan sa sarili, at identidad, upang ang mga bata ay maging mga may kompiyansang indibidwal na makaka-ambag sa kanilang sariling kabutihan at sa kabutihan ng kanilang pamilya, komunidad, at lipunan

Ang apat na elementong ito ay ang pundasyon ng Early Learning Framework. Binibigyang-karangalan ng Early Learning Framework ang mga ginagawa ng mga pamilya upang itaguyod ang pag-unlad at development ng kanilang mga anak sa kanilang mga sariling tahanan.

Ano ang Early Learning Framework?

Ang Early Learning Framework ay isang dokumentong isinulat unang-una para sa mga guro at ibang mga taong may kinalaman at nagbibigay-suporta sa early learning, nang may pagbibigay-diin sa mga bata mula kapanganakan hanggang walong-taong-gulang (bandang grade 3).

Ang framework ay dinisenyo upang magbigay ng patnubay para:

- ◆ magbigay-suporta at bigyang-yaman ang mga karanasan ng mga bata sa early learning
- ◆ magbigay ng isang focal point para sa pag-uusap ng mga pamilya at mga guro
- ◆ ipakita kung gaano kahalaga ang early learning para sa mga bata



Ano ang Pananaw ng Early Learning Framework?

Pananaw: *Magkasamang manirahan at matuto nang may paggalang sa isa't-isa.*

Ang Early Learning Framework ay nagtatakda ng isang pananaw na nagpapatnubay sa early learning, at ito'y dinisenyo upang magbigay ng inspirasyon sa mga guro, mga pamilya, at sa iba pang mga tao na ang trabaho ay may kinalaman sa mga maliliit na bata.

Maraming iba't-ibang mga paraan kung paano maaaring sinusuportahan na ng mga pamilya ang early learning, halimbawa:

- ◆ paggamit sa mga pang-araw-araw na pangyayari upang magtanong at mag-isip
- ◆ paghikayat sa mga bata na malaman kung ano ang kanilang mga hilig
- ◆ paggamit sa paglalaro bilang pagkakataon upang matuto nang hindi sinasadya



Ano ang mga Prinsipyo ng Pag-aaral sa Early Learning Framework?

Ang mga pamilya at mga guro ay pinapatnubayan ng mga nakasulat at pinapasa-pasang mga prinsipyo ng pag-aaral, na nagmumula sa karanasan, mga bagay na minamahalaga, at kultura.

Ang Early Learning Framework ay nagbibigay-diin sa dalawang mga pangunahing prinsipyo ng pag-aaral:

1. Ang mga Prinsipyo ng Pag-aaral ng First Peoples. Ang mga prinsipyong ito ay nanggagaling mula sa ibinabahaging karunungan mula sa mga Indigenous na komunidad sa buong British Columbia, at ito'y kasama sa B.C. curriculum at sa Early Learning Framework. Sinasalamang ng mga prinsipyo ang mga Indigenous na perspektibo, kaalaman, bagay na minamahalaga, at pag-unawa.
Sa kahulihan ay sinusuportahan ng pag-aaral ang kabutihan ng sarili, pamilya, komunidad, lupa, mga ispirito, at mga ninuno.
2. Ang mga Prinsipyo ng Early Learning Framework Ang mga prinsipyong ito ay nagbibigay ng inspirasyon sa mga paraan ng pag-iisip tungkol sa pagkabata at pag-aaral. Sinusuportahan nila ang lahat ng mga bata, mga pamilya, at mga komunidad.

Ang mga pamilya ang siyang may pinakamahalagang tungkulin sa pagtaguyod sa kabutihan at pag-aaral ng kanilang mga anak.

Pagsali sa mga Pamilya

Maaaring suportahan ng mga pamilya ang early learning ng kanilang anak sa pamamagitan ng pakikipag-usap sa mga guro upang makakuha ng karagdagang impormasyon tungkol sa Early Learning Framework. Sa pamamagitan ng mga pag-uusap, maaaring magtanong ang mga guro sa mga pamilya at maaari nilang ibahagi ang kanilang mga obserbasyon tungkol sa kanilang mga anak. Ang mga guro ay maaaring mag-focus sa mga perspektibo at mga karanasan ng mga pamilya. Ang mga pamilya ay maaari ring magtanong sa mga guro. Maaari nilang pag-usapan kung ano ang natututunan o nararanasan ng kanilang anak, at maaari nitong pahintulatang magpatuloy ang pag-aaral sa tahanan. Ang mga pag-uusap ay nagdaragdag sa pag-unawa ng mga guro at ng mga pamilya sa pinag-aaralan at sa nararanasan ng mga bata.



Ano ang Living Inquiries (Tanong Tungkol sa Pamumuhay) sa Early Learning Framework?

Sinisiyasat ng Early Learning Framework ang apat na living inquiries. Ito'y tumutukoy sa paraan kung paano pinagsasama-sama ang mga bata, mga guro, mga materyales, at mga ideya habang ang mga bata ay nag-iisip at natututo. Sa Early Learning Framework, ang "living" ay tumutukoy sa mga prosesong kasalukuyang nangyayari at laging nagbabago. Ang "inquiring" ay tumutukoy sa pagpansin o sa pagbigay ng atensyon.

Ang apat na living inquiries ay:

- ◆ Kabutihan at pagiging bahagi
- ◆ Pakikisalamuha sa iba, sa mga materyales, at sa mundo
- ◆ Komunikasyon at literacies
- ◆ Mga identidad, responsibilidad sa lipunan, at diversity

Ang bawat living inquiry sa Early Learning Framework ay may kasamang mga katanungan na maaaring makatulong sa mga guro, mga pamilya, at sa iba na pag-isipan ang mga desisyon na ginagawa nila tungkol sa pag-aaral.

Ano ang Magagawa ng mga Pamilya sa Tahanan?

Maaaring alalayan ng mga pamilya ang living inquiries sa tahanan gamit ang iba't-ibang mga aktibidad. Ang ilang mga halimbawa ng mga aktibidad para sa bawat living inquiry ay nakalista sa ibabâ.

Kabutihan at pagiging bahagi:

- ◆ Ikuwento sa iyong anak ang istorya ng iyong pamilya. Pag-usapan kung bakit nagiging unique o walang-katulad ang iyong pamilya.
- ◆ Palawakin ang istorya ng iyong pamilya upang gumawa ng family tree.
- ◆ Magluto -- o kaya'y magluto-lutuan -- kayo ng iyong anak.
- ◆ Magplano kayo ng iyong anak ng isang pang-araw-araw na rutina at iskedyul. Tanungin kung ano ang kanyang mga ideya hinggil sa pagtulog, pagkain, at sa pisikal na aktibidad.



Pakikisalamuha sa iba, sa mga materyales, at sa mundo:

- ◆ Magpakita o gumamit kayo ng iyong anak ng mga instrumento o mga bagay. Gamitin ang mga ito upang gumawa ng mga tunog at ritmo. Gumamit ng mga bagay na mahahanap mo sa tahanan o sa iyong komunidad.
- ◆ Lumabas at dalhin ang iyong anak sa kalikasan at maglakad-lakad kayo. Maglaro sa labas. Pansinin ang mga panahon o seasons at ang mga natural na bagay.
- ◆ Maglaan ng lugar at panahon nang ang iyong anak ay makapaglaro nang walang istruktura at ayon sa kagustuhan niya.



Komunikasyon at literacies:

- ♦ Tanungin ang iyong anak kung anong bagay ang gustong-gusto niya, o isang bagay na nagbibigay-kaligayahan sa kanya.
- ♦ Maglaro kayo ng iyong anak, halimbawa, boardgames, baraha, o mga laro kung saan ikinikilos ang katawan.
- ♦ Kumanta, magbasa ng mga kuwento, magbahagi ng mga ritmo, at magsayawan kayo ng iyong anak.



Mga identidad, responsibilidad sa lipunan, at diversity:

- ♦ Kausapin ang iyong anak tungkol sa mga pagbabagong nangyayari araw-araw. Magbahagi ng mga obserbasyon tungkol sa panahon, mga namumulaklak na bulaklak, mga nahuhulog na dahon, at mga sariling lumalaking katawan ng mga bata.
- ♦ Tulungan ang iyong anak na makilala ang kanyang mga emosyon at na pag-usapan sila.
- ♦ Hikayatin ang iyong anak na gamitin ang lahat ng kanilang senses sa abot ng kanyang makakaya (paghipo, pagtikim, pagtingin, pagdinig, at pag-amoy).
- ♦ Tulungan ang iyong anak na mapansin at ipagdiwang ang mga bagay na magkatulad at magkaiba sa mga iba't-ibang pamilya.





Ang Tungkulin ng mga Pamilya

Kinikilala ng Early Learning Framework na ang mga pamilya ang siyang may pinakamahalagang tungkulin sa pagtaguyod sa kabutihan at pag-aaral ng kanilang mga anak. Ang pagtaguyod sa pakiramdam ng kabutihan at pagiging kabilang ay batay sa relasyon ng mga bata sa kanilang mga pamilya, mga komunidad, mga kultura, mga kapaligiran, at mundo.

Ang mga pamilya ay ang mga unang guro ng kanilang mga anak. Ang mga bata ay maaaring makarinig mula sa mga pamilya ng mga istorya, dula, ritmo, chants, at awit na nauugnay sa kanilang mga kultura at mga tradisyon.

Gamit ang Early Learning Framework, hinihikayat ang mga guro na makipagkolaborasyon, makipagkomunika, at pag-isipan ang pag-aaral ng mga bata sa tulong ng kanilang mga pamilya. Mainam kung magsisimulang kausapin ng mga pamilya ang guro ng kanilang anak nang mas matutunan nila ang Early Learning Framework at nang malaman nila kung paano nito nasusuportahan ang early learning ng kanilang anak.

Mga Reperensiya

B.C. Ministry of Education. (2019). British Columbia: Early Learning Framework. Victoria, B.C.

B.C. Ministry of Education. (2019). Let's Play! Activities for Families. Victoria, B.C.

B.C. Ministry of Education. (2019). Play Today: B.C. Handbook. Victoria, B.C.

B.C. Ministry of Education. (2020). Play Today: A Guide for Families. Victoria, B.C.



Ministry of
Education